

ende informeren **I**n alre tijt dijne
 kantscheit ledestu benauwinghe in
 dijns moeders licham. armoede en
 scarpheit en vernederinghe inder
 crubben. veruolghinghe dijne via-
 den. verdriuinghe in egipten **I**nder
 tijt dijns wasdoems disputeringhe
 ende nederwerpinghe **I**nder tijt
 dijne bloepender ioghet ledestu de
 alre bittersten en schentlicsten doet-
 sekerlick van dijne onuersadeliker
 mynnen myne myt welken du
 ouer al werckeste onse salicheit **D**u
 woldest alre in dy seluen en in dijne
 moeder omeghedien worden mytten
 bant der armoeden ende sericheit op
 dattu ons sunders bereyden muchtest
 ghenoechlike dynghen. waer om
 dattu vanden licham dijne moeder
 hent toe die pijn des cruces heuest
 ghecruet ghewest myt stedighen en
 onghemeten sericheiden des herten en